

Opinion ta un seccion di **Bon Dia Aruba** specialmente pa brinda oportunidad na lectoran individual pa expone nan opinion. Contenido publica di ningun manera ta refleha opinion di **Bon Dia Aruba** y ta pa responsabilidad exclusivo di e organizacion/individuo cu ta ofrece esaki pa publicacion. **Bon Dia Aruba** ta reserva e derecho di no publica texto ofreci, si esaki segun e medio no ta cuadra cu e normanan di decencia cu nos ta mantene, pa evita contenido cu ta innecesariamente ofensivo. Esaki suheto na evaluacion exclusivo di **Bon Dia Aruba**.

OPINION



Skirbi pa Gregorio Wolff y Michiel G. Croes

Kico awor pa Secretario General di SEPPA y tambe pa miembronan

Ultimo Tempo ta hopi informacionnan nos a trece ariba e situacion interno di SEPPA nos ta trece un recapitulacion, esta repiti brevemente loke nos a publica, nos ta haya:

1. Un deficiencia grandi di Democracia:

- For di 2013, miembronan no a ricibi informacion y segun revistanan di SEPPA no tene eleccion pa directiva di acuerdo cu statutonan;
- No tin directiva pa cumpli cu statutonan, articulo 19;
- Pa controla e maneho di Comité Ehecutivo, annex Secretario General;
- Pa controla e maneho financiero di SEPPA;

Pues 12 aña sin ningun sorto di Control ariba e Comité Ehecutivo/Secretario General.

2. No tabatin formacion di acuerdo cu informacionnan den revistanan di SEPPA, for

di 2015. Esaki a trece consecuencianan grandi pa SEPPA:

- E falta di un plan di formacion a haci cu SEPPA no tin lidernan nobo, esta no tin e generacion di relevo pa tuma over;
- Fayo di Secretario General di no busca candidatonan pa directiva di SEPPA;
- Secretario General



ta eherce e funcion aki ya pa 25 aña y sigur kier bay 10 aña mas;

d) SEPPA pa mas cu 12 aña ta luci stanca pa loke ta e lucha sindical

e) E falta di un plan di formacion ta e causante cu no tin e generacion di relevo den SEPPA

3. E codigo di bon gobernacion/administracion den sindicato, no t'ey den SEPPA:

- No tin respet pa statutonan;
- Secretario General M. Brito ta yama eleccion sin tene cuenta cu statutonan;
- Secretario General no ta tene cuenta cu reglanan democratico ora ta yama eleccion;
- No ta informa miembronan prome cu ta bay tene eleccion;
- No ta pidi miembronan pa pone nan mes como

candidato pa wordo eligi;

f) No ta pidi miembronan pa bay vota ariba un fecha stipula;

4. Secretario General M. Brito falta hopi pa ta integro:

- Pa añanan e no ta duna informacionnan via organo oficial Noticia-SEPPA;
- No ta informa miembronan kendenan ta forma parti di Comité Ehecutivo;
- No ta informa miembronan tocante e Congreso Anual, su desicionnan, etc.;
- Pa loke ta directiva tin bruha total, un biaha e ta bisa cu ta busca candidato pa tene eleccion, otro biaha ta papia di directiva sin bisa kende nan ta;

5. Secretario General M. Brito no ta apto pa e trabao sindical:

- Un sindicalista cu ta

negocia 10 anja pa firma un CAO cu Post NV. No Por;

b) Un sindicalista cu na 2010 a firma un protocol pa pensioen di APFA, cu despues di 7 aña ta analisa e cambionan, toch despues di 4 aña, na 2014 ta firma un protocol nobo pa hisa Franchise=Baha e pensioen cual a perhudica hopi pensioenado;

c) Secretario General M. Brito no ta informa, ni consulta cu su miembronan;

d) Secretario General no tin respet pa statutonan, ni pa veredicto di un huez;

Miembronan di SEPPA, saca un conclusion pa bo mes

E recapitulacion aki ta demonstra e falta di maneho o mihor bisa e desaster cu ta existi den SEPPA actualmente. Nos ta bolbe repiti cu SEPPA tin un tremendo y unico infraestructura sindical na Aruba, nos tin un Sede grandi, cu su sala di Congreso espacioso pa 75 te 100 persona, nos tin un cooperativa grandi cu e miembro por spar y hasta presta placa, te F 25.000, ora ta necesario.

Ora nos analisa cu ariba tur e fayonan y acusacionnan treci den prensa, Secretario General di SEPPA ta defende su mes cu un silencio, pasobra e sa cu tur info ta berdadnan crudo.

Tur miembro cu ta pensa por comprende kico ta pasando.

E situacion ta bira pio ora nos tuma na cuenta cu Sra Brito ta tesorero di e Cooperativa di miembronan di SEPPA y ta esun mas responsabel pa preveni e ladroncia di F 382.000,= cual a tuma lugar durante 9 luna y despues ta nenga di cumpli cu veredicto di Hues.

Si tuma na consideracion di tur loke a ser treci prome, e problema ta grandi. Hopi ta bisa cu e miembro cu ainda ta apoya Secretario General M. Brito no por pensa bon y ta apoya algo extremadamente negativo. Consecuentemente e mester tin un problema di moral.

Miembronan di SEPPA apoya C.R.D.S. Comision pa Restaura Democracia den SEPPA

E Comision pa Restaura Democracia den SEPPA ta trahando fuertemente, Tin listanan ta pasando rond pa miembronan firma y respalda e accionnan pa trece cambio den SEPPA.

Un apelacion na tur miembro, ban apoya e accionnan y ban haci di SEPPA un sindicato cu basenan firme di democracia cu su eleccionnan, un sindicato luchador.

Un sindicato cu lidernan nobo y hoben, kendenan lo bay planta respet!!

Lasonan fuerte pa bon cooperacion

Reunion fructifero entre KPA y VNO

Cuerpo Policial Aruba tin un bon cooperacion cu VNO. Un par di biaha pa aña ta tuma lugar un encuentro entre KPA y VNO pa diferente motibo.

Na comienso di e luna aki, e presidente di VNO sr.Vincent Storimans y Senior Policy Advisor di VNO sr.Matthijs van Beusekom a bishita Cuerpo Policial Aruba.

Despues di un encuentro entre altocomisario di polis sr.Ramon Arnhem Storimans y van Beusekom a dialoga cu



e cuater hefenan di distrito y e comisario interino di polis uniforma sr. Silvio de Mey.

Pa finalisa a bishita tambe e agentenan uniforma cu tabata e momento ey na warda di

polis di Santa Cruz y a hiba un combersacion ameno.

Nos ta wak atras riba un bon reunion y nos ta spera pa mas bon cooperacion den futuro.

